

APOLOGIE
DE L'ARTICLE
PREMIER DV
TIERS ESTAT.

Par le Sieur R. P. D. B.



A PARIS,
chez PIERRE CHEVALIER, rue
S. Jacques, à l'Image S. Pierre,
prés les Mathurins.

M. D C. XV.

Avec permission.

CASE

F

39


226

1615

La 2

A P O L O G I E

del'Article premier du tiers Estat.

 VICONQUE voudra d'oresnauant
esleuer iusques au ciel les loïan-
ges des Officiers, soustenir que le
Roy n'a point de plus fideles, &
affectionnez subjects qu'eux, qu'ils ayment
passionnément Alexandre & le Monarque, la
personne & la majesté royale, Qu'ils ne re-
cherchent la lumiere d'autre Soleil, & n'ont
pour object que son seruice, sa grandeur, &
sa souueraineté, Outre les autres preuues &
remarques qu'il en pourra représenter, il ne
manquera pas sans doute, d'y ioindre ce qui
s'est passé fraischement en l'assemblée des
Estats, où le tiers Ordre composé principa-
lement d'officiers, ambrassrns courageuse-
ment la seureté du Roy, & du Royaume, a
recherché toutes les precautions dont il s'est
peu aduiser, pour les garantir desormais de
ces nouueaux censeurs & correcteurs des
Roys, qui n'en font non plus de compte, que
des hommes communs, establisent des Iu-
ges par dessus eux, & publient qu'il est loisi-
ble de changer leurs Royaumes de main, voi-
re d'entreprendre sur leurs propres personnes.

Maximes abominables que l'enfer a vomies, preparans les esprits à secoüer vn ioug vrayment diuin, & qu'il n'est loisible de secoüer, pour excuse, pretexte, ou raison quelconque. Maximes helas ! desquelles, ce qui ne se peut escrire qu'avec larmes de sang, nous auons resenty de nos iours les execrables effectz, la plume me tombe des mains, quand j'y pense: car outre Clement, & ces autres prodiges qu'elles ont enfantez, les confessions de Rauillac tesmoignent assez de quels mouuemens il estoit poullé. Voicy donc pour en arrester le cours; l'article du tiers Estat de France, article qui le comblera à iamais de gloire, & de benedictions, notamment les Officiers, comme en estans les principaux auteurs.

Que pour arrester le cours de la pernicieuse doctrine, qui s'introduit depuis quelques annees, contre les Roys, & puissances souveraines establies de Dieu, par esprits seditieux qui ne tendent qu'à les troubler, & subuertir: le Roy sera supplié de faire arrester en l'assemblée de ses Estats, pour loy fondamentale du Royaume, qui soit inuiolable, & notoire à tous: que cōme il est recogneu souverain en son Estat, ne tenant sa couronne que de Dieu seul, il n'y a puissance en terre, quelle qu'elle soit, spirituelle, ou temporelle, qui ayt aucun droit sur son royaume, pour en priuer les personnes sacrees de nos Roys, ny dispenser, ou absoudre leurs sujets de la fidelité & obeïssance qu'ils luy doiuent, pour quelque cause, ou pretexté que ce soit: que tous les subjets, de

quelque qualité, & condition qu'ils soient, tiendront ceste loy pour sainte & veritable, comme conforme à la parole de Dieu, sans distinction, equiuoque, ou limitation quelconque, laquelle sera iuree, & signee par tous les deputez des Estats, & doresnauât par tous les Beneficiers, & Officiers du Royaume, auant que d'entrer en possession de leurs benefices, & d'estre receuz en leurs offices: tous Precepteurs, Regens, Docteurs & Predicateurs tenus de l'enseigner, & publier que l'opinion contraire, mesme qu'il soit loisible de tuer, & deposer nos Roys, s'esleuer & rebeller contre eux, secoüer le ioug de leur obeyssance, pour quelque occasion que ce soit, est impie, detestable, contre verité, & contre l'establissemēt de l'Estat de France, qui ne dépend immediatement que de Dieu: que tous liures qui enseignent telle fausse, & peruerse opinion, seront tenus pour seditieux, & blasrables: tous estrangers qui l'escriront & publieront, pour ennemis iurez de la couronne: tous sujets de sa Majesté qui y adhereront, de quelque qualité, & condition qu'ils soient, pour rebelles, infracteurs des loix fōdamentales du Royaume, & criminels de leze-Majesté au premier chef: & s'il se trouue aucun liure, ou discours escrit par estranger Ecclesiastique, ou d'autre qualité, qui contienne proposition contraire à ladite loy, directement, ou indirectement, serōt les Ecclesiastiques de mesme ordre establis en France, obligez d'y respondre, les impugner & cōtredire incessammēt sans respect, ambiguité, ny equiuocation, sur peine d'estre

punis de mesmes peines que dessus, comme fauteurs des ennemis de cét Estat.

Cét article n'est pas plustost conclud en la chambre du tiers Ordre, que le Clergé en entre en rumeur, remuë ciel & terre à l'encôtre, iusqu'à vouloir estouffer la liberté inuiolable des Estats, menasse de s'en departir, si on ne fermoit la bouche aux deputez du tiers ordre, si on ne leur defendoit pour ce regard, toute remonstrance, & ne leur enioignoit - on expressément de rayer l'article desia resolu d'un consentement vniuersel de toutes les Prouinces: ne considerans pas ces Messieurs, que telles contraintes inouyes, & du tout extraordinaires, bleissoient l'honneur & la dignité de l'assemblée, & pourroient estre à l'aduenir finistrement interpretees, & tirees en consequences par ceux qui la voudroient calomnier.

Mais leurs esprits estoient preoccupez de passion, leurs volonteiz guidoient l'entendement, quelles brigues, quels efforts ne font-ils point, & d'autres avec eux, & en public & en priué, pour renuerfer ce fondement du Royaume? quelles imprecations & medisances contre les Officiers? Encore s'ils se fussent contentez (dit-on) de condamner simplement les attentats & entreprises sur la vie des Roys, mais de soustenir qu'il n'est pas loisible aux Papes de les deposer, & dispenser les sujets de l'obeyssance & fidelité qu'ils leurs doiuent, obliger encore les Ecclesiastiques à publier ceste loy, il n'est pas tolerable, on souffrira plustost le martyre que d'en venir là, il faut laisser la question problematique com-

me elle est en France, l'Ecriture pour ce regard est vn glaiue tranchant des deux costez, il y a des raisons & autoritez de part & d'autre ; c'est beaucoup seulement dequoy les François ne sont pas necessitez de tenir pour article de foy l'affirmatiue, quiconque veut establir la negatiue, est vn demy heretique pour le moins, vn Anglois schismatique Catholique Royal & François, car toutes ces qualitez maintenant sont synonymes & de pareille signification.

Lumieres du monde, est-ce ainsi que vous nous esclairez au chemin de nostre deuoir? Est-il possible, Messieurs, que vous soyiez nez, nourris & esleuez en Frāce? de qui tenez vous vos biens, vos honneurs, vos vies, & vos benefices? Ne vous souuenez vous point de la genereuse responce de vos predecesseurs, quand ils manderent au Pape, que s'il venoit pour excommunier le Roy de France, ils s'en retourneroit excommunié luy-mesme?

N'avez vous point leu ce qu'ils ont fait encore depuis sous Philippe Auguste, Philippe le Bel, Charles 6. Louys 12. & quelques autres de nos Roys? voudriez vous bien trahir l'honneur de l'Eglise Gallicane, qui a tousiours esté pleine d'affectiō, & de fidelité courageuse en leur endroit? Est-il possible que l'ame qui inspire aujourd'huy ce corps auguste & venerable, ne soit plus Françoisise, & qu'il ne soit poussé que d'un vent d'ambition meridional? faut-il que l'esclat de l'écarlate luy esbloüisse la veüe?

Comment? oser debattre, & mettre en compromis la souueraineté du Roy de France, te-

nir pour schismatiques ceux qui la defendent
 & par consequent tous nos Prelats anciens,
 qui estoient si deuots & religieux enuers l'E-
 glise? calomnier yne compagnie composée
 d'ames Catholiques, choisies en toutes les
 prouinces de la France, par despit seulement
 de ce qu'elle maintient enuers & contre tous,
 l'indépendance de la Courōne? deschirer pour
 la mesme consideration, le plus grand & illu-
 stre corps du Royaume, ceste grāde Cour des
 Pairs, où l'obeïssance deuë au S. Siege se trou-
 ueroit, si elle estoit perduë ailleurs, offencer
 les Princes du sang, personnes saintes & in-
 uiolables, puis qu'ils sont les rameaux verdif-
 sans de la tige Royale, & les brāches du tronc
 de la souueraineté, laquelle ils ont pour ceste
 cause interest particulier de deffendre, & de
 s'y attacher fermement? bref soustenir que nō
 seulement il est loisible, mais qu'il est neces-
 faire mesme pour le salut de l'ame, de doubter
 si le Roy est souuerain au temporel de son
 Estat, s'il en peut estre depōsé ou nō, s'il y doit
 recognoistre autre superieur que Dieu? certes
 ie vous treuue merueilleusement hardis, c'est
 bien abuser de l'āge & de la bonté & indul-
 gence de sa Majesté: Ces paroles là en vne au-
 tre saison vous eussent desia cousté bien cher,
 on a mitré & pillorisé sur ce sujet (vous ne le
 pouuez ignorer) des personnes d'aussi grande
 qualité & respect que vous estes, que le droit
 des gens rendoit recommandables, voire au-
 cunement inuiolables, on a fait faire encorē
 depuis amande honorable en 1561. & 95. à des
 Bacheliers de la faculté de Theologie, pour
 auoir